

# **Мавзу: ЕР ҲУҚУКИ ТУШУНЧАСИ**

**РЕЖА:**

- 1.Ер ҳуқуқи фанининг предмети ва усуллари.**
- 2.Ер ҳуқуқи тамоилилари.**
- 3.Ер ҳуқуқи тизими**
- 4.Ер ҳукуюнинг ҳуқук тизимида тутган ўрни**

Мустақил ҳуқуқ тармоғи бўлган ер ҳуқуқи нормалари мазмун жихатидан хилма-хил бўлгани учун уларни маълум бир тизимга солиш катта ахамият касб этади. Ер ҳуқуқи **тизими** деб, жинслик хусусиятига эга бўлган бир жинсли ер ҳуқуқий муносабатларини тартибга соловчи хар бири ер ҳуқуқий нормаларининг гурухларидан ташқил топган ер-ҳуқуқий институтлар жамланмасига айтилади. Институтлар ва уларга жамланган нормалар эса ўз навбатида ер ҳуқуқи тизимиning ички тартибини ташқил этади. Масалан, ер кадастрини юритиш билан боғлиқ бўлган муносабатларни тартибга соловчи ҳуқуқий нормалар давлат ер кадастри ҳуқуқий институтини ташқил этади.

Ер ҳуқуқи институтлари нисбатан мустақил ва барқарордир. Улар бир-биридан фарқ қиласынан тавсиифи бўйича хар хил бўлган ер муносабатларини тартибга солади.

Ер ҳуқуқи институтлари гурӯхланганда **тартибга солувчи** ва **муҳофаза қилувчи** институтларга бўлинади. Улар таркиби бўйича **оддий** ёки **мураккаб**га бўлинади. Юқоридаги мисол келтирилган институт оддий институт бўлиб хисобланади. Шундай институтлар борки, улар икки ёки ундан кўпроқ институтларни ўзида жамлаб, мураккаб институтни ташқил этади. Мисол қилиб ерларни давлат бошқаруви ҳуқуқий институтини олсак бўлади. Бу институт ер тузиш, ер кадастрини юритиш, ердан фойдаланиш ва муҳофаза қилиш устидан давлат назоратини олиб бориш, ер хусусидаги низоларни хал этиш ва бошқа шунга ўхшашиб институтларни ўз ичига олади. Мураккаб институтга яна мисол қилиб ердан фойдаланиш ҳуқуқи институтини айтишимиз мумкин. У ўз навбатида қишлоқ хўжалик корхоналарининг ердан фойдаланиш ҳуқуқи, фуқароларнинг ердан фойдаланиш ҳуқуқи, ноқишлоқ хўжалик корхоналарининг ердан фойдаланиш ҳуқуқи ва бошқа институтларни қамраб олади.

Ер ҳуқуқи тизимидағи хар бир институт бошқа институтларга нисбатан ва ер муносабатларини тартибға солиш ахамият ига күра кетма-кет жойлашади.

Бундан ташқари ер ҳуқуқи умумий қисмини ташқил этадиган институтлар **умумий институтлар** ва алохида қисмидагилар эса **махсус**, яъни предметли институтлар деб аталади.

Умумий қисм институтлари ўзидағи нормаларда мазкур фан тармоғи ва қонун хўжжатлари ривожланиши учун асос бўладиган энг муҳим холатлар, қоидалар ёки тамойилларни акс эттиради. Бу институтларда жамланган холатлар, қоидалар ва тамойиллар ер ҳуқуқининг маҳсус институтлари мазмуни ва таркиби шаклланишига катта таъсир кўрсатади. Алохида қисмнинг институтлари эса умумий институтларга нисбатан бўйсинувчи вазиятда бўлади. Улар мазкур ҳуқуқ тармоғининг умумий холатлари, қоидалари ёки тамойилларини намоён қилмайди. Уларнинг амал қилиш доираси маълум ижтимоий муносабатлар билан чекланган бўлади. Бу тоифадаги институтларнинг нормалари ижтимоий муносабатлар қатнашчиларининг субъектив юридик ҳуқуқ ва мажбуриятларини белгилайди.

**Айтиш мумкинки, Ўзбекистон ер ҳуқуқи Умумий ва Алохидат қисмдан иборат бўлиб, улар ўз ичига умумий ва маҳсус (мураккаб ва оддий, тартибга солувчи хам да муҳофаза қилувчи) институтларни қамраб олади.**

Ер ҳуқуқининг Умумий қисмида: ерга нисбатан мулк ҳуқуқи, ер участкаларига бўлган ҳукуқ, давлатнинг ер муносабатларини тартибга солиши ва назорат қилиши, ер тузиш ва ер кадастрини юритиш, ерни ҳуқуқий муҳофаза қилиш хам да ер қонунчилигини бузганлик учун жавобгарлик каби **олтига институтлар** бор.

Ўзбекистон ер ҳуқуқи ҳуқуқ тизимида алохида ўрин эгаллаган, мухим ахамиятга эга бўлган, иқтисодиётда туб ўзгаришлар юз бераётган шароитда долзарблиги янада ошиб бораётган ва бошқа ҳуқуқ тармоқларининг (масалан, қишлоқ хўжалик ҳуқуқи) ривожланишига катта таъсир кўрсатаётган мустакил ҳуқуқ тармоғидир.

Табиатнинг бойликлари (ер, сув, фойдали қазилмалар, ўрмон ва хайвонот дунёси) бир-бирига боғлиқ мажмуа бўлиб хисобланишига қарамасдан, бундай объектларнинг хар бири атрофида келиб чиқадиган ижтимоий муносабатлар алохида алохида ҳуқуқ тармоғи нормалари билан тартибга солинади.

Ер ҳуқуқи бошқа ҳуқуқ тармоқларининг ичида конституциявий ҳуқуқ билан энг яқин ва узвий боғлиқдир. Зотан, конституциявий ҳуқуқ нормалари ер ҳуқуқи тамоилларининг асоси хисобланади. Конституцияда ер ва бошқа табиат бойликлари умуммиллий бойлик эқанлиги, у самарали фойдаланилиши кераклиги ва давлат томонидан муҳофаза этилиши белгиланган (55-модда). Ер фондини давлат бошқаруви, ер қонун хўжжатларини маъмурий-ҳуқуқий тартибда бузганлик учун айборларни маъмурий жавобгарликка тортиш соҳасидаги ер ҳуқуқий муносабатларни тартибга солишда ер ҳуқуқи маъмурий ҳуқуқ нормаларидан фойдаланади.

Ер ҳуқуқининг ҳуқуқ тизимининг забардаст ҳуқуқ тармоғи бўлган фуқаролик ҳуқуқи билан алоқадорлиги катта ахамият касб этади. Ер ҳуқуқи ва фуқаролик ҳуқуқининг бир бири билан боғлиқ бўлиши негизида ер ва фуқаролик муносабатлари ижтимоий-иктисодий табиатининг умумийлиги ётади. Ер муносабатларининг айримлари мулкий муносабатлар бўлганлиги учун фуқаролик муносабатлари билан қондош бўлади

Ер ҳуқуқи әқология ҳуқуқи билан хам чамбарчас боғлиқдир. Шу ўринда айтиш лозимки, ер ҳуқуқининг мустақил ҳуқуқ тармоғи сифатида тан олиниши шаклланиб келаётган әқология ҳуқуқини инкор этмайди. Ер ҳуқуқи әқология ҳуқуқининг ажралмас қисми деб, қаралиши мумкин бўлмасада, у ердан фойдаланишни муҳофаза қилиш муносабатларидан ажратиб тартиба солмайди. Ердан фойдаланиш ва муҳофаза қилиш бир бири билан узвий боғланган ва ажралмас жараёндир.